

**BOSNA I HERCEGOVINA**  
*Konkurencijsko vijeće*



**BOSNA I HERCEGOVINA**  
*Konkurencijski savjet*

**Z A K L J U Č A K**

**o obustavljanju postupka koji je pokrenut po zahtjevu privrednog subjekta  
Intrade Pharm d.o.o., Sarajevo, Bosna i Hercegovina**

**Sarajevo  
Juni, 2009. godine**



**Broj: 01-01-26-046-45-II/08**  
**Sarajevo, 04.06.2009. godine**

Na osnovu člana 25. stav 1. pod e), člana 42. stav 1. pod g) Zakona o konkurenciji ("Službeni glasnik BiH", br. 48/05 i 76/07) i člana 122. stav (2) Zakona o upravnom postupku ("Službeni glasnik BiH", br. 29/02, 12/04 i 88/07), po podnesenoj pismenoj izjavi o odustajanju od postupka podnesenoj od strane privrednog subjekta Intrade Pharm d.o.o., Ul. Zmaja od Bosne 44, 71000 Sarajevo, Bosna i Hercegovina od 15.04.2009. godine, Konkurencijsko vijeće na 89. (osamdesetdevetoj) sjednici, održanoj dana 04.06.2009. godine, donijelo je sljedeći

### **ZAKLJUČAK**

1. Obustavlja se postupak pokrenut Zaključkom Konkurencijskog vijeća broj: 01-01-26-046-6-II/08 od 05.12.2008. godine, a na osnovu Zahtjeva za pokretanje postupka privrednog subjekta Intrade Pharm d.o.o., Ul. Zmaja od Bosne 44, 71000 Sarajevo, Bosna i Hercegovina protiv privrednih subjekata Novo Nordisk A/S, Predstavništvo u BiH, Trg solidarnosti 2a, 71000 Sarajevo, Bosna i Hercegovina i Medimpex Hrasno, Aleja lipa bb, 71000 Sarajevo, Bosna i Hercegovina radi utvrđivanja zabranjenog sporazuma iz člana 4. stav (1) Zakona o konkurenciji, zbog odustanka od Zahtjeva.

2. Ovaj Zaključak biće objavljen u "Službenom glasniku BiH", Službenim glasnicima entiteta i Brčko Distrikta Bosne i Hercegovine.

### **Obrazloženje**

Konkurencijsko vijeće je dana 27.10.2008. godine, pod brojem: 01-01-26-046-II/08, zaprimilo Zahtjev za pokretanje postupka podnesen od strane privrednog subjekta Intrade Pharm d.o.o., Ul. Zmaja od Bosne 44, 71000 Sarajevo, Bosna i Hercegovina (u daljem tekstu: Podnosilac zahtjeva ili Intrade Pharm), a protiv privrednih subjekata Novo Nordisk A/S, Predstavništvo u BiH, Trg solidarnosti 2a, 71000 Sarajevo, Bosna i Hercegovina i Medimpex Hrasno, Aleja lipa bb, 71000 Sarajevo, Bosna i Hercegovina radi utvrđivanja zabranjenog sporazuma iz člana 4. stav (1) Zakona o konkurenciji (u daljem tekstu: Zakon).

Konkurencijsko vijeće je dana 28.11.2008. godine, dopisom broj 01-01-26-046-4-II/08, Podnosiocu zahtjeva izdalo Potvrdu o prijemu urednog i kompletnog zahtjeva, u smislu člana 28. stav (3) Zakona.

Na osnovu dokumentacije dostavljene uz Zahtjev Konkurencijsko vijeće je ocijenilo da nije moguće bez provedenog postupka utvrditi postojanje povrede Zakona na koje Podnosilac zahtjeva ukazuje, te je dana 05.12.2008. godine donijelo Zaključak o pokretanju postupka pod brojem 01-01-26-046-6-II/08.

Konkurencijsko vijeće je dana 23.02.2009. godine donijelo Zaključak o produženju roka za donošenje rješenja radi utvrđivanja zabranjenog sporazuma broj 01-01-26-046-32-II/08 za dodatna tri mjeseca iz razloga što je ocijenilo da je, u cilju utvrđivanja činjenica i izvođenja dokaza, potrebno izvršiti neposredan uvid u određenu dokumentaciju i pribaviti mišljenja i podatke od trećih lica koja nisu stranke u postupku.

U samom toku postupka, obzirom da se radilo o predmetu sa strankama sa suprotnim interesima, Konkurencijsko vijeće je, u skladu sa članom 39. Zakona, održalo usmenu raspravu 25.02.2009. godine tokom koje su se stranke izjasnile da ostaju kod svojih dosadašnjih iskaza i dokaza datih u postupku.

Podnosilac zahtjeva je dana 15.04.2009. godine podneskom broj: 01-01-26-046-42-II/08 odustao od Zahtjeva po kome je pokrenut postupak. Imajuću u vidu izloženo, u smislu člana 122. stav 2. Zakona o upravnom postupku, odlučeno je kao u dispozitivu ovog Zaključka.

#### **Administrativna taksa**

Na ovaj Zaključak Podnosilac zahtjeva, u skladu sa članom 2. tarifni broj 108. stav 1. pod b) Odluke o visini administrativnih taksi u vezi sa procesnim radnjama pred Konkurencijskim vijećem ("Službeni glasnik BiH", broj 30/06), je obavezan platiti administrativnu taksu u iznosu od 500,00 KM u korist Budžeta institucija Bosne i Hercegovine.

#### **Pravna pouka**

Protiv ovog Zaključka nije dopuštena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Zaključka.

**Predsjednik**

**dr. Stjepo Pranjić**